

**სსიპ ივანე ჯავახიშვილის სახელობის თბილისის სახელმწიფო უნივერსიტეტის სატენდერო  
კომისიის სხდომის ოქმი N1**

ქ. თბილისი

აპრილი 2022 წ.

**სატენდერო კომისიის თავმჯდომარე:** თსუ ადმინისტრაციის ხელმძღვანელი - ლაშა სალინაძე  
**სატენდერო კომისიის თავმჯდომარის მოადგილე:** თსუ საფინანსო დეპარტამენტის უფროსის  
მოადგილე  
მანონი ჯოჯუა (2021 წლის 10 ივნისის N102/02-01 თსუ ადმინისტრაციის ბრძანება)

**სატენდერო კომისიის წევრები:**

არჩილ კუკულავა - თსუ იურიდიული დეპარტამენტის უფროსი  
გიორგი ტალახაძე - თსუ მატერიალური რესურსების მართვის დეპარტამენტის უფროსი  
ნატო ჩუბინიძე - თსუ საინფორმაციო ტექნოლოგიების მართვის დეპარტამენტის უფროსი  
ნათელა ლაცაბიძე - თსუ პერსონალის მართვის დეპარტამენტის უფროსი  
გიორგი შამათავა - თსუ ადმინისტრაციის ხელმძღვანელის მოადგილე

**სატენდერო კომისიის აპარატის წევრი:**

შესყიდვების განყოფილების მთავარი სპეციალისტი ლელა კოპალეიშვილი

**დღის წესრიგი:** სსიპ ივანე ჯავახიშვილის სახელობის თბილისის სახელმწიფო უნივერსიტეტის, მიერ  
სსიპ შოთა რუსთაველის ეროვნული სამეცნიერო ფონდის – „მიწისძვრების დროში და სივრცეში  
განაწილების ანალიზი/ენგურის თაღვანი კაშხლის მაგალითი“ სამეცნიერო ახალგაზრდული  
გრანტის YS-21-845 დაფინანსებით ლეპტოპის (CPV 30213100 -პორტაბელური კომპიუტერები  
(ლეპტოპები)) სახელმწიფო შესყიდვის მიზნით ელექტრონული ტენდერის სატენდერო პირობებისა  
და პროექტის განხილვა-დამტკიცება.

**სატენდერო კომისიამ მოისმინა** აპარატის წევრის ინფორმაცია ტენდერის ჩატარების შესახებ  
განცხადებისა და სატენდერო დოკუმენტაციის პროექტის შესახებ. სსიპ შოთა რუსთაველის ეროვნული  
სამეცნიერო ფონდის – „მიწისძვრების დროში და სივრცეში განაწილების ანალიზი/ენგურის თაღვანი  
კაშხლის მაგალითი“ სამეცნიერო ახალგაზრდული გრანტის YS-21-845 ხელმძღვანელის მიერ  
წარმოდგენილი 2022 წლის 24 თებერვლის N 2703/10 მოხსენებითი ბარათის საფუძველზე ჩატარებული  
იქნა ბაზრის კვლევა, რომელზეც წარმოდგენილია მოხსენებითი ბარათები: 2022 წლის 14 მარტის N  
5453/10; და 2022 წლის 12 აპრილის N 8340/10.

**სატენდერო კომისიამ განიხილა:** პორტაბელური კომპიუტერის განსახორციელებელი სახელმწიფო  
შესყიდვის მოცულობა, სახეობა და ტექნიკური მახასიათებლები, ასევე შემოთავაზებული  
წინადადებები, შეფასდა საინფორმაციო ტექნოლოგიების ინფრასტრუქტურის განვითარების  
განყოფილების მიერ 2022 წლის 16 მარტის N5860/10 და 2022 წლის 20 აპრილის N 9129 მოხსენებითი  
ბარათის საფუძველზე.

ჩატარებული კვლევით, გამოკითხული იქნა 59 პოტენციური მიმწოდებელი, შემოთავაზება  
წარმოადგინა 2 სუბიექტმა, შესყიდვის სავარაუდო ღირებულება შემოთავაზებული წინადადების  
მიხედვით განისაზღვრა:

1. სუბიექტი N1 - ღირებულებამ შეადგინა - 6 370.00 ლარი;
2. სუბიექტი N2 - ღირებულებამ შეადგინა - 5 500.00 ლარი.

შესყიდვის სავარაუდო ღირებულება განისაზღვრა ბაზრის კვლევის შედეგად დაფიქსირებული  
უმცირესი ფასის მიხედვით, რომელიც განისაზღვრა 5 500.00 (ხუთიათასხუთასი) ლარით.  
დაზუსტებული იქნა შესყიდვის ობიექტის ტექნიკური, ხარისხობრივი, ეკონომიკური პარამეტრები.

სატენდერო კომისიის წევრებმა იმსჯელეს სატენდერო დოკუმენტაციის პროექტით განსაზღვრულ  
პირობებზე, და იგი ჩამოყალიბდა შემდეგი რედაქციით:

**ა) სატენდერო დოკუმენტაციის კითხვარის 1.7.1 პუნქტით** საგარანტიო ვადასთან დაკავშირებული მოთხოვნებით, პრეტენდენტმა უნდა უზრუნველყოს:

1. მიმწოდებელი იძლევა შესყიდვის ობიექტის არსებულ სტანდარტებთან შესაბამისობის გრანტიას, რომ შესყიდვის ობიექტი იქნება ახალი, არა მეორადი ქარხნულად აღდგენილი/გადამუშავებული. საქონელი შეფუთული იქნება მწარმოებლის ბრენდირებულ კოლოფში, კოლოფზე ქარხნულად დაბეჭდილი მწარმოებლის მითითებით და შეფუთვის მთლიანობა არ იქნება დარღვეული.

2. შესყიდვის ობიექტის სრულფასოვანი ფუნქციონირების საგარანტიო ვადა განისაზღვრება მიღება-ჩაბარების აქტის გაფორმების თარიღიდან არანაკლებ 1(ერთი) წელი.

3. საგარანტიო პერიოდში ინსპექტირება ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

4. საქონლის მიღებისას ინსპექტირების პროცესში ქარხნული წუნი/ხარვეზის აღმოჩენის შემთხვევაში მიმწოდებელი ვალდებულია შეცვალოს საქონელი ახლით წუნი/ხარვეზის დაფიქსირებიდან 30 (ოცდაათი) კალენდარული დღის ვადაში.

5. საგარანტიო პერიოდში ექსპლუატაციის პროცესში, მექანიკური, უხარისხო ძაბვით და/ან არასწორი მოხმარებით გამოწვეული დაზიანების გარდა, წარმოქმნილი ხარვეზების არსებობის შემთხვევაში, შემსყიდველი წერილობით ან/და ელექტრონული ფორმით აცნობებს მომსახურების გაწევის საჭიროების შესახებ „მიმწოდებელს“. „მიმწოდებელი“ მისი წარმომადგენლის მიერ, საკუთარი ხარჯებით (ტრანსპორტირების ჩათვლით) შეტყობინებიდან არაუგვიანეს მესამე სამუშაო დღისა ახდენს რეაგირებას. საჭიროების შემთხვევაში ორი სამუშაო დღის ვადაში დგება დეფექტური აქტი, რომელიც მოიცავს შესასრულებელ სამუშაოებს და მათ ხანგრძლივობას. სერვისის მომსახურება განხორციელდება არაუმეტეს 10 (ათი) კალენდარული დღის ვადაში თუ ასეთი პროდუქციისათვის საჭირო სათანადო ნაწილები მიმწოდებელს აქვს ადგილზე (საწყობში), წინააღმდეგ შემთხვევაში დეფექტური აქტით განსაზღვრულ გონივრულ ვადაში, მაგრამ არაუმეტეს 30 (ოცდაათი) კალენდარული დღისა.

6. იმ შემთხვევაში თუ საქონელი არ ექვემდებარება შეკეთებას, იგი უნდა შეიცვალოს ახლით.

**ბ) სატენდერო დოკუმენტაციის კითხვარის 2.1.1 პუნქტით** „შესყიდვის ობიექტის სასაქონლო ნიშანთან, პატენტთან, მოდელთან, წარმოშობის წყაროსთან ან/და მწარმოებელთან დაკავშირებით“ პრეტენდენტმა უნდა წარმოადგინოს ფასების ცხრილი N1 დანართის შესაბამისად: შესყიდვის ობიექტის დასახელების, შესყიდვის ობიექტის აღწერილობის, მწარმოებლის და მოდელის ან/და სერიული ნომერის ან/და PartNumber შესახებ:

1. მწარმოებელი - მწარმოებელი კომპანია/ფირმა/ბრენდი;

2. მოდელი - შემოთავაზებული შესყიდვის ობიექტის მოდელი ან/და სერიული ნომერი ან/და PartNumber, რომლითაც მოხდება პროდუქტის ტექნიკური პარამეტრების იდენტიფიცირება სატენდერო პირობებთან შესაბამისობის დადგენის მიზნით.

აღნიშნული ინფორმაციის წარმოუდგენლობა გამოიწვევს პრეტენდენტის დისკვალიფიკაციას ყოველგვარი დაზუსტების გარეშე.

**აუცილებელი მოთხოვნა:**

შესყიდვის ობიექტის მახასიათებლების სატენდერო დოკუმენტაციასთან შესაბამისობის დადგენის მიზნით, წარმოდგენილი მოდელი ან/და სერიული ნომერი ან/და PartNumber-ის მიხედვით შემოთავაზებული საქონლის ტექნიკური პარამეტრები უნდა იმეზნებოდეს (ინტერნეტ წყაროების საშუალებით) წინააღმდეგ შემთხვევაში პრეტენდენტმა უნდა წარმოადგინოს მწარმოებლის ოფიციალური ინფორმაცია ტექნიკური მახასიათებლების შესახებ, (მწარმოებლის წერილი; დასკანერებული ტექნიკური პასპორტი, ან/და data sheet ან/და ვებ-გვერდის მისამართი).

**გ) სატენდერო დოკუმენტაციის კითხვარის 4.1.1 პუნქტით** „რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა“ განისაზღვრა:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას ექსპერტიზის ან აუდიტის მიერ გაცემული შესაბამისი დასკვნა/ანგარიში, რომელშიც უნდა დასტურდებოდეს ტენდერში პრეტენდენტის მიერ ატვირთულ საბოლოო ფასების ცხრილში (შესაბამისი ტენდერის უნიკალური ნომრის მითითებით) დაფიქსირებული ერთეულის ფასებით და აგრეთვე ჯამური ღირებულებით ამავე ფასების ცხრილით განსაზღვრული საქონლის მიწოდების შესაძლებლობა.

დასკვნასთან ერთად წარმოდგენილ უნდა იქნას „ბუღალტრული აღრიცხვის, ანგარიშგების და აუდიტის შესახებ“ საქართველოს კანონის შესაბამისად, დასკვნაზე/ანგარიშზე ხელმოწერი პირის, ქონების შემფასებლის მოქმედი სერტიფიკატ(ებ)ის ასლი, რომელიც გაცემული უნდა იყოს სსიპ საქართველოს აკრედიტაციის ეროვნული ორგანოს - აკრედიტაციის ცენტრის მიერ, აკრედიტებულ შემფასებელთა სერტიფიკაციის ორგანოს მიერ.

**სატენდერო კომისიამ ერთხმად დაადგინა:**

1. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მოთხოვნათა გათვალისწინებით დამტკიცდეს ელექტრონული ტენდერის განცხადებისა და სატენდერო დოკუმენტაციის პროექტები (იხ.დანართები) და ელ. ტენდერის პროცედურა ჩატარდეს ელექტრონული ტენდერი აუქციონის გარეშე (NAT) აბრევიატურით.
2. სსიპ შოთა რუსთაველის ეროვნული სამეცნიერო ფონდის – „მიწისძვრების დროში და სივრცეში განაწილების ანალიზი/ენგურის თაღვანი კაშხლის მაგალითი“ სამეცნიერო ახალგაზრდული გრანტის YS-21-845 დაფინანსებით ლეპტოპის (CPV 30213100 -პორტაბელური კომპიუტერები (ლეპტოპები)) სახელმწიფო შესყიდვის სავარაუდო ღირებულება განისაზღვრა - 5500.00 (ხუთიათასხუთასი) ლარით.
3. დაევალოს სატენდერო კომისიის აპარატს დროულად უზრუნველყოს ელექტრონული ტენდერის ჩატარების შესახებ განცხადებისა და სატენდერო დოკუმენტაციის გამოქვეყნება სახელმწიფო შესყიდვების ერთიან ელექტრონულ სისტემაში <https://tenders.procurement.gov.ge>

ლაშა საღინაძე



ადმინისტრაციის ხელმძღვანელი

ივანე ჯავახიშვილის სახელობის თბილისის სახელმწიფო უნივერსიტეტი

მანონი ჯოჯუა




დეპარტამენტის უფროსის მოვალეობის შემსრულებელი  
საფინანსო დეპარტამენტი

არჩილი კუკულავა




დეპარტამენტის უფროსი  
იურიდიული დეპარტამენტი

ნატო ჩუბინიძე




დეპარტამენტის უფროსი  
საინფორმაციო ტექნოლოგიების დეპარტამენტი

ნათელა ლაცაბიძე



დეპარტამენტის უფროსი  
პერსონალის მართვის დეპარტამენტი

გიორგი შამათავა



ადმინისტრაციის ხელმძღვანელის მოადგილე

ივანე ჯავახიშვილის სახელობის თბილისის სახელმწიფო უნივერსიტეტი

გიორგი ტალახაძე



დეპარტამენტის უფროსი

მატერიალური რესურსების მართვის დეპარტამენტი

ლელა კოპალეიშვილი-გვაზავა

მთავარი სპეციალისტი  
შესყიდვების განყოფილება

